

故宮
珍
本
集
刊

福
建
府
州
縣
志

共四冊
第三冊



故宮博物院編

海南出版社

故宮珍本叢刊第 122 冊福建府州縣志第 3 冊(共 4 冊)

故宮博物院編

上杭縣志 永定縣志

海南出版社



圖書在版編目(CIP)數據

故宮珍本叢刊.第 122~123 冊,地理,都會郡縣,福建,[乾隆]上杭縣志、[乾隆]永定縣志、
[乾隆]尤溪縣志、[乾隆]建寧縣志/故宮博物院編.-影印本.-海口:海南出版社,2001.4

ISBN 7-80645-975-8

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06532 號

故宮珍本叢刊第 122 冊

福建府州縣志第 3 冊(共 4 冊)

[乾隆]上杭縣志 [乾隆]永定縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:39.25 印數:1-400 冊

ISBN 7-80645-975-8/Z·56

定價:880 元(福建府州縣志 8 種共 4 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

上杭縣志序

四庫全書

古內史掌八枋之法外史掌四方之志
志之由來舊矣紫陽甫守南康卽問郡
志蓋覽其志則山川之險易丁戶之增
損財賦之盈縮民俗之淳澆前賢往誥
之典型芳軌孰緩孰急爲草爲因瞭然
於心次第布之有條不紊故知一邑之
志方能治一邑推之自郡而省莫不皆

上杭縣志

序

一

然是通省爲諸郡之彙而一郡乃衆邑
之總必邑志詳悉無訛而後郡省得以
採取然范蔚宗終身不敢作志江文通
亦言脩史之難無出於志誠慎之也杭
川在晉爲新羅地宋淳化五年始升爲
縣按其地勢琴岡橫案於前金山列屏
於後掇水縈廻重溪激湍扶輿靈淑代
產英竒烟火萬家商旅輻輳洵稱巨邑

杭之有志創始於宋之黃葵再刊於
鍾紹安歷明成化宏治萬歷間蕭徐楊
三次纂脩異同不一至

國朝康熙二十六年長州蔣廷銓綜核三
志參互考訂始無差謬閱今七十載矣
夫七十載以來祠宇之興廢職官之陞
遷賦役之減增科甲節烈藝文之繼起
視諸蔣志蓋然各別若不亟行鉤纂日

上杭縣志

序

二

久無徵良可喟惜丙子春仲廣陵茨山
顧君以名進士出宰是邦甫下車卽允
紳士請毅然以脩志爲己任慨捐廉俸
延請總裁開館於道署歷月十九而稿
始成通詳

列憲間序於余余細爲繙閱立綱十二
目五十有九例嚴而筆直搜富而考詳
制度文物風土人情洞如觀火而尤於

忠孝節烈加之意焉吾知是志之成不特昭公道而洽人心并深得紫陽綱目之法而無失周官外史之遺意也可以備石渠之儲寧僅一邑之書云爾哉余樂觀厥成爰爲之序

昔

乾隆二十二年丁丑歲孟秋月

誥授中憲大夫知汀州府事加二級紀錄

上杭縣志

序

九次大梁高霑撰



重脩上杭縣志序

歲丙子余膺

簡命涖杭甫下車邑紳士遂以重脩邑志請併攜前後志暨憲檄各卷以進余閱之深嘉杭人士之留心文獻益虞主持者之厥任維艱也稽杭志自前明知縣蕭宏徐綬楊萬春遞加脩輯各有異同迨

上杭縣志

領序

一

國朝康熙二十六年知縣蔣廷銓綜三志而參訂之縷晰條分有體有要允爲成書越今七十餘載俗因時異事以歲增前縣趙侯起而續脩意良厚矣乃經杭人指駁不惟小節有遺卽巨典亦多訛舛是固當事之考核未暇及毋亦纂校者之間有憑臆見以貽悞也以故前府憲舒准紳士之

請署縣衛侯隨後通詳 各憲批允
訂正余學識疎庸殊慚淹貫又蒞政
伊始風土人情尚未周悉漫爾操觚
安知後之議今不猶今之議昔乎第
以我

國家車書九有梯航萬國如一統志通
志郡邑志罔不釐然畢備頒行天下
俾守土之臣不待身履其地而民物

上杭縣志

領序

二

風俗皆得一覽而瞭然心目間况杭
邑山川秀麗風俗淳良人文日盛科
第埒于名邦余承乏茲土適逢美舉
曷敢以不敏辭爰禮聘浙省宿儒定
裁延請城鄉練達各紳士佐之開局
道署公同纂校分目提綱準之蔣志
循名核實協之輿情諸凡因革異宜
新舊殊制遵所當遵而非襲纂所當

纂而非誣矢慎矢公務期信今而傳
後稿成繕詳 各憲俱蒙許可准校
刊行全杭於是慶有成書焉余惟忝
衆厥任幸賴諸君子同心協贊可告
無過已耳詎敢攘爲己功因述其顛
末附諸簡端庶幾後之脩志者鑒今
日之苦心毋或苟然以珥筆也至採
之

上杭縣志

領序

三

國史昭信千秋彙之輿圖增光一邑則
余所不敢必要不能不殷殷冀望者
是爲序

肖

大清乾隆二十三年戊寅歲孟春月
賜進士出身上杭縣知縣加三級如舉額

人驥撰



序

善乎賈生之言曰牧民之道務在安之而要非稔其民風悉其土俗雖欲安之或且擾之矣宜良有司之亟亟於縣志也顧縣志何可易言古有良史皆言作史之難以史必出於信也志猶夫史省有省志郡有郡志而縣亦有縣志作者創之於前脩者繼之

上杭縣志

王序

一

於後其任均重且大是必勤咨博訪搜羅不遺而考核必慎事從其公義取諸當俾一縣之風土人物釐然分明千載而下一不失其正斯稱善焉杭川自宋淳化間析新羅之地爲縣縣之有志肇於嘉泰二年由宋及明以至我

朝脩者後先相望歲戊寅余由永福代庖

茲土適志書告竣爰得而覽觀焉其山川土地城池橋梁祠宇壇壝以及戶口賦役與夫忠孝節烈各事跡莫不瞭然心目旣而往來七峰三摺間喜其農勤士秀俗樸風醇而乃歎杭之聲明文物日新月盛皆由

聖朝仁漸義摩涵煦百年之深也承平旣久吏習而民安之以視前代相去奚

上杭縣志

王序

二

啻萬萬王制云脩其教不易其俗齊其政不易其宜觀斯志也凡一邑之緩急輕重皆可按圖布之爲政之道端必有賴於是然則爲人牧者亦惟宜乎土俗準乎人情去其泰甚相與安之而已余不才不敢妄有施爲庶幾藉是以藏拙云爾

乾隆二十四年己卯春王署上杭縣

事三原王綱撰



上杭縣志

王序

三

上杭縣志序

粵稽漢儒孔安國曰九邱之書九州之志也邱者聚也聚一方風土之宜尚山川之流時四境之扼塞物產之豐儉人文之盛衰政治之隆替採風觀化因革損益非是無從誌乘之設古帝王以焉爲敷教之本自古如斯憂乎尚矣由是觀之九州職方統志也由統志而逮通省通志也由通志而逮一郡郡志也由郡而一州一邑邑志也曠覽宇內皆一州一邑之所積是一邑之志尤爲九州職方之基能以是書爲亟亟者殆亦所謂知政本者歟乾隆己卯余奉天子命來蒞杭邑杭爲古新羅西鄙地本上杭場宋淳化間陞而爲縣邑志仿

上杭縣志

潘序

一

自宋寧宗理宗時邑侯黃鍾兩君修舉之歷宋元明而版帙寔失至前明成化宏治萬歷有蕭徐楊三志悉纂輯于今斯者三君子之手今亦胥不可復覩矣可觀者蔣志志成于吾

朝康熙丁卯文簡而事核足稱佳乘者惟是逮乾隆十有八年西圃趙侯慨然念志之失修歷數十載忍時益久

上杭縣志

潘序

二

而事益湮也殫力蒐討編纂甫竟而茨山顧侯繼之以書之未完善也集邑紳士之賢者爲之設館授餐丙夜講求汰蕪棄瑕以求完善書成而上之上官報可而後付之梓人董是役者邑孝廉鄒君輩于余受任之始奉書而告曰是役也事以實著人以懿述前侯與共事諸君盟鬼神而爲之

今者前侯已去而所著所述慮邑士

之好爲訾議者消是非之公于卷帙

既定後敢一正于吾公乞一言以爲

定論余謝不敏受書卒讀而歎曰志

以輔史史亦有志天官五行方輿河

渠禮樂者史之志也而人物之臧否

備于史而載諸一方之志述其黨之

賢者而不肖者闕焉著其人一事之

上杭縣志

潘序

三

嫌而否者畧焉取足風勸表率已矣

是又純乎善善之道與國史之彰瘡

必備者異苟其慎取而弗失卽足以

信今而傳後矧茨山先生以名進士

宰斯土恪恭有位與諸君子矢公悃

竭智慮以成斯書首述

典謨以尊王度辨沿革識山川以著封

域釐賦稅定徭役以善輸將以息民

勞崇黌序隆典禮以昭文教以正秩
祀著兵衛揭往事以示戎備以奠民
生他若宦績有書鄉賢必述所以昭
往所以勸來下逮韋布一事之善窮
鄉寡鵠一行之得無不畢舉而鄭重
書之猶矣盛哉且余不學承乏于斯
俾知風尚之宜措施之序以善一時
之治而苟免尤悔箴規于是師資于

上杭縣志

潘序

四

是夫何間然若此邦人士于此而識
吾

朝雅化之隆

恩卹之備景世德服先疇厚其生以正其
德馴至風淳俗美使觀化者于茲一
式憑焉得非斯邦之厚幸也歟是爲

序

曾

乾隆二十五年歲次庚辰端陽月
敕授文林郎知上杭縣事笠澤潘廷儀撰



上杭縣志

潘序

五

重脩上杭縣志序

國家總一海內聲教四訖東西南朔莫不率被

大清一統志之書詳明條貫燦若日星然考周禮大宗伯之屬外史上士四人中士四人掌四方之志則由四方而達之天子郡縣之志亦不可廢乾隆癸酉余膺

上杭縣志

序

簡命觀察汀漳龍二府一州嘗因暇日蒐討郡邑誌乘徵其遺文考其掌故俱有闕如之歎而汀之杭川爲尤甚因囑顧茨山令君加意纂輯蓋此地東連連永北界武平西南距廣之嘉應大埔重山阻溪嘗患嘯聚元明兩朝嘗設監督使者於此資其彈壓恩煦威制比他邑爲難誌書不備則山川

之險易風俗之醇漓爲政者俱無

考非細故也逾歲顧令果以書來規制則沿蕭徐楊蔣氏而小殊紀載門視成宏萬歷康熙三誌而有加其中圖考之明畫表誌之詳整列傳之謹嚴皆不媿作者由是而考其山川之分合城池之遷徙以及公廨之興廢津梁之往來戶口之盛衰賦役之輕

上杭縣志

序

重壇壝之肅恪兵防之周匝藝文之精麗一一有經有緯有倫有脊因歎杭之不媿古邑而茨山令君之譔成余志也夫爲政之道必知先後蕭文終人秦先收秦所藏圖書知天下厄塞戶口多少弱強民所疾苦班掾誌地里於關西之游俠巴蜀之饒沃河東之鹽鐵周人之趨利漳河之作奸

樂浪之貞信皆叙次靡遺蓋必知其

要會而後敷施有先後興革有輕重

可次第布之不然而亦求倒置初終

易觀雖姬孔之聖國僞武鄉之賢所

謂寬猛之分先法後赦之理不其舛

乎然則顧令之於此書其於政體庶

乎不悖矣雖然貴貴賢賢之謂道下

勞上逸之謂義余不敏有志於是而

上杭縣志

序

三

不克成之今者卷帙褒然紀述盪然

於以知

本朝提封萬里之盛

聖天子一道同風之隆如周禮職方所云

同其貫利前漢史所謂聖王在上統

理人倫必移其本而易其末非顧令

君其孰能與於斯是余所早夜心冀

其得而不可必得者也是可憲也爰

泚筆而爲之序

乾隆二十二年歲在彊圉赤奮若壯月

穀旦汀漳龍共巡使者江都楊景素

序



上杭縣志

序

四

上杭縣志舊序

孫能

無地無勝概無地無人才此天下郡邑必有志以紀之也夫志者所以傳信也使爽其名實失其體要是之爲志乃志之蠹也上杭自李唐以來爲場至宋淳化始升爲縣隸汀州舊雖有志然而歷宋抵元至我朝百有餘年多殘缺失次景泰間上命天下郡縣纂修志書鄉之紳士卽舊編而加修輯領鑒別多有未當亦不免無遺外於其間汀州貳守程侯熙自下車來嘗有意於斯曩以他務未遑會郡守徐公瓚通府李侯祺推府熊侯德後先來官咸嘉其意今成化丙申春命予暨同寅鄭君鉅李君鑑爲續志於時

上杭縣志

孫序

一

縣令蕭君宏丞陳君清延上舍孔經諸生吳明林繁輩相與簡閱傳記博采輿論於舊有未當者務覈其實遺者補之舛者正之務遵史氏遺意敘其體要門分彙別撰次成編凡爲卷有五取而覽之斯邑山川之秀城池之固以至物產之蕃古今之變與夫文章之著士宦之賢風俗之好尚莫不宛然在目如是以繼前人之績而廣異日之傳者幸也志成蕭君遂命鉅梓以壽不朽後之君子校而正之未必無小補云

成化十二年丙申

上杭續志後序

張禎

邑之有志爲紀前以昭於後集今以續於前者也蓋莫爲於前後將何述莫爲於後前將何傳後先相繼志載弗墮則事實明著一覽具見誠一邦之史也夫豈偶然而已哉自唐代宗中置上杭場於豐田里南唐保大中徙於太平至宋陞爲縣而又有繁沙鍾察場之遷及乾道三年徙郭坊而上杭邑治始定焉其遷徙之故雖有舊志然歷歲久而殘缺多郡貳守陳侯閔之謂始纂於前者尚畧繼修於後者未詳題命邑令蕭公貳令陳公爲之續二公遂謀及邑庠掌教孫君貳教鄭君李君暨上舍孔經庠生吳明林

上杭縣志

張序

一

繁輩職司采集致謹編摩列其條目究其本末事蹟之未當者去取求得其宜名實之未稱者精審求得其要視諸昔年之志猗歟盛哉志成孫君已序於前而復屬禎序其後予惟談今者必稽古垂遠者必詳近竊觀是編上而形勝山川之雄壯次而風俗土產之盛衰戶口之登耗仕宦之更代廨舍之廢置固皆稽古以證今矣至於文廟軍所之肇造藩臬分司之作新若事功若隱逸若義士若列女與夫宦蹟之卓異詞翰之炳煥備紀不遺又皆詳近以垂遠也吁後之視今猶今之視昔今之昧於前者由其志載之不周也苟於今所及知者不志而載之又安知數世而

後昧於今者不猶今之昧於前乎此續志之作前後畢舉
詳畧相因誠不磨之著述其有關於杭邑有裨於治道不
亦深且大哉

咸化十二
年丙申

上杭縣志

張序

二

上杭縣志舊序

楊萬春

司馬子長南遊會稽得吳越春秋而爲世家言其成史記
必采之列國列國而無史則整齊百家難矣余會稽鄙人
也側慕子長之風幸從計吏後過江淮齊魯之墟以觀天
下國都而宦遊閩越爲是邑長吏卽延士民問治理然索
之往志作於宏治初至是闕八十七年當都御史至閩下
郡邑討故實屬博士以報未遑爲之釐適汀郡志屬之郭
建初建初置郡中將避之下邑予以邑志請卜金山爲主
郡公因專屬余不聞月兩書成邑卷僅七其目惟四五百
有餘歲存亡足徵矣南遊者采之其杭之春秋乎余勞建

上杭縣志

楊序

一

初建初乃勞余謂今長吏苟能修廢墜勦撫字興教化方
日紛紛不暇而君獨暇茲志何爲其然哉余聞古君子之
志天下不利一人而利千萬人不利一世而利千萬世余
鄙雖不敢借口古君子然得茲志成庶後因志而按列域
城池以及諸所建立按錢穀盈縮民數豐歉按人才隆替
與夫忠臣烈士則廢墜之修撫字之勤教化之興無窮矣
此其所遺蓋不特爲一時吏治修也余鄙寧能無意乎且
余藉是得報命於郡公雖不暇其敢諉哉

萬曆七
年己卯

上杭縣志舊序

馬 馴

志者記也所以記世故人文物理之迹也猶列國之史然史纂於朝廷志編於郡縣文殊而實則同上下異其名今古無間也粵稽兩漢志著於宋三國志著於隋卿遂之野有野史州里之間有間史隨厥攸宜叅取而互用之大要本於纂輯者公天下是非之心直千載鑑衡之準則庶幾焉夫純駁得失存乎言沿革美惡存乎世正邪誠僞存乎人據事直書而意自見勸懲以之志奚可苟乎吾汀肇於唐開元闢福撫二州山洞始置郡建於漳之新羅後遷長汀村析龍巖之西偏爲上杭場逮宋改郡爲路淳化間陞場爲縣隸於汀因地利以致商旅畢徙於來蘇之郭坊國朝混一寰區復更路爲府杭仍汀之字下逮郡治十舍許界於潮漳臨賴之濱山環水繞爭奇競秀形勝之雄甲他邑氣習勁毅而狷介君子則質直好義小人則慝恪少文仰沐清時之文教士知力學登科第陟要津代不乏人女節婦行間有可書而窮巖之頑氓尚梗律負勇自作弗靖以貽公家憂當宁廼下廷議慎簡憲臣一員握兵備按厥土用康羣黎安成伍君仲孝由名進士刺隨廉公有聲特膺茂選駐節之初宣德威嚴卒徒相險畫策隨變制勝百廢從父四封晏然激揚之餘愛取邑志而讀之喟然興嘆

上杭縣志

馬 序

一

上杭縣志

馬 序

二

謂王政必先教養吾民切於耳目可爲法程者莫如志志則典籍之所寓也典籍正則民有考德而知所適從分義明則俗有感化而樂於愛戴脫尊卑錯雜賢否混淆詳畧失宜詭正無辨何以昭既往而俟方來範後歷而追先哲民將質買焉固知善之當爲惡之當去也遂集儒先之有文行者二三輩授以成法定其指歸疏其門類別其等差考其衷於道者釐而正之不關於世教者削而不錄綱舉目張期年而校畢可謂謹於刪述善於開導者矣然猶不自滿假謂余歷官中外涉獵世故頗久請加考訂而編次之余衰老林泉荒於文墨瞻茲盛典文不待贊復何言耶

宏治六年
癸丑

於戲道未墜地旣晦復章斯文之幸也政在得人父作子

述斯民之幸也馴鄉人也附名於末亦幸矣

上杭縣志舊序

鄧翼明

汀郡屬邑八其在南者爲上杭實汀水注海之道地與粵東接壤羣山雄峙衆流襟帶蓋汀之南屏也其細民務本業甘勤苦其人士敦詩書尚氣節其爲政易行而其爲教易成載之從前邑志者詳矣方今字內清寧車書大一統之治所以潤邑鴻業黼黻太平者靡不脩舉杭邑蔣令仰遵國典俯察輿情等源乎簡冊而旁羅乎見聞於是以百餘年未續之縣志一一採集而正定之緣分縷悉從信闕疑弗遺弗濫俾山川風物人表聲名展卷開瞭如指掌斯志也洵足以傳矣夫人置身王路官以知縣爲名凡此

上杭縣志

鄧序

一

邑之形勢利病興廢因革一有所未知儒者恥之蔣令以吳中名士捧檄宰杭蒞官之初正值汀南克復之際崔苻時警鴻鴈方勞撫字瘡痍綢繆固圉者無不周知宜其耳目之所觀記傳之筆而成之書博而雅詳而得宜也獨予所慚者汀州府志自崇禎十年迄於今未脩者幾周甲子有奇矣予亟欲編輯之嘗謀之鄉先生大叅黎公顧數年以來政務日繁不遑從事中心怒如茲見上杭縣志之成也喜喜其能勦予之未逮也援筆而爲之序

康熙二十六年丁卯

上杭縣志舊序

蔣廷鑑

世之言作志者往往謂難於創始易於續成蓋以創始則前無依傍義例悉自我立續成則不過一切倣而輯之云爾而論志於上杭顧有不然者何則志之在宋者寧宗時爲嘉泰理宗時爲開慶此固絕無可考矣以明言之蕭志成於成化十二年丙申徐志成於宏治六年癸丑楊志成於萬歷七年己卯向皆刻有成書後惟楊志流傳及懸賞徧購始得宏治志一冊而蝨蝕者已多繼又得成化志卷帙既失其半朽蠹更甚觸手幾化取三書互校之其中雖各有所訂正按其體裁則迥異焉至汀州府志崇禎四年

上杭縣志

蔣序

一

辛未所脩又以事非一邑詳畧任心錄未可據相傳嘉靖間續刻有志楊志亦時擴引又聞萬歷時李令衷素嘗屬邑紳張近陽重脩業脫稿會李擢任未梓意此二書當必得體願折衷之而皆未得寓目因竊自笑續脩之舉以爲處其易而不知反任其難也然何敢辭其難而使百有餘年之近事殘缺散亡且使五百年來之故實磨滅失次後有作者其將何所考耶爰是網羅舊聞博詢故老向所經營未定者急謀卒業凡編中所紀載無不立綱分目犁然倫脊視三志爲差備雖不敢與創始自立義例者同列制作之林然廣稽博考正譌而徵信似與一切倣而輯之者

稽才侔矣繼自今爲政君子省方問俗按此而求之或亦可爲承覽之助乎編輯旣成聊識一時之始末如此

六年
丁卯

康熙二十

上杭縣志

壽序

二

上杭縣志舊序

黎士宏

畿省郡邑之志與國史相表裏體裁大小不一而義意則同史主勸懲志專實錄史獨難於斷而志則兼難於脩凡脩史立局總裁校勘皆定事官司事者又集四方賢良非必盡有人事牽率之累進退黜陟備乙覽卽權貴不得以力爭至郡邑之志非生長其地者人與事不相習勢不能不屬之一二里黨能文章熟掌故之士然宗戚交遊親串所在往往閤筆濡毫嫌怨互起過詳則速乞米立傳之嘲概刪又不免陶範挾刃相臨之笑遂至兔園夫子概點文壇推警布衫盡標淑媛流傳四方指爲口實志之濫也匪

上杭縣志

黎序

一

獨有心者不願爲且不欲竟讀也是非地方司牧真心強力任是非勤採擇而又具良史之才者斷不能成書而垂後若今璞山蔣使君所脩上杭之志蓋無間然矣上杭爲臨汀赤縣有明三百年間叢澤屢警特設憲司分制其地川陸三百里人文山水甲於諸州志之缺者百有餘年而未補豈能文操筆者遂無其人抑以宗戚交遊親串之所懼於速尤府怨而有所不敢耶抑豈一時司牧文章政事不必兼長而任是非勤採擇又有力有不力耶蔣使君蒞治八年政通人和急急乎恐文獻之不光爲懼延名士分部家心手勾稽兼時積月今讀其書使數千年間一邑